

3. KOORDINACIJSKI SASTANAK DONATORA

HEA BiH, Banja Luka, 14. decembra 2010.g. u 13.00h

ZAPISNIK

Prisutni:

- 1. G. Nihad Fejzić**, direktor HEA-e
- 2. G. Boris Ćurković**, zamjenik direktora HEA-e
- 3. Gđa Amira Omanović**, Austrijska razvojna agencija
- 4. G. Suad Muhibić**, Tempus ured u BiH
- 5. Gđa Valerija Šaula**, Univerzitet u Banjaluci, Prorektor za međunarodnu saradnju
- 6. Gđa Karen Roberts**, Vijeće Evrope
- 7. G. Haris Muhić**, SUS BiH
- 8. G. Andrew Gridinsky**, OSCE BiH
- 9. Gđa Jadranka Mihić**, delegacija EU-a
- 10. Gđa Rahela Džidić**, Ambasada SAD-a
- 11. Gđa Janet W. Miller**, Ambasada SAD-a
- 12. Gđa Isabel Retuerto Millán**, Ambasada Španjolske u BiH
- 13. G. Hazim Bašić**, Univerzitet u Sarajevu
- 14. Gđica Tonka Krešić**, Studentski parlament, Sveučilište u Mostaru
- 15. G. Ivan Gogro**, Studentski parlament, Sveučilište u Mostaru
- 16. Gđica Jelena Šantić**, HEA/ADA, koordinatorica projekta
- 17. Gđa Maja Macan**, HEA/ADA, asistentica projekta
- 18. Gđa Slavica Skoro**, HEA, Savjetnica za odnose s javnošću

Sastanak je održan u konferencijskoj dvorani Agencije za razvoj visokog obrazovanja i osiguranje kvaliteta i raspravljalo se o sljedećem:

1. Informacije o tekućim projektima u području visokog obrazovanja
2. Rasprava – suočavanje s izazovima u području visokog obrazovanja
3. Aktivnosti u 2011. godini

G. Fejzić je iskazao dobrodošlicu svim učesnicima, te ih upoznao s ciljevima sastanka, naglašavajući kako su njegovi glavni zadaci razmjena podataka i koordinacija aktivnosti u području visokog obrazovanja, da bi se izbjegla eventualna preklapanja događaja i aktivnosti od zajedničkog interesa.

Nakon prezentacije svi učesnici su predstavili ostvarene aktivnosti u 2010. godini.

G. Boris Ćurković je naglasio da će Agencija za razvoj visokog obrazovanja i osiguranje kvaliteta ubrzo raditi u punom kapacitetu, te je iznio rezultate rada Agencije u 2010. godini:

- Usvajanje dokumenta "Kriteriji za akreditaciju VŠU" koji je nastao kao rezultat stalne saradnje s Vijećem Evrope, visokoškolskim ustanovama i ministarstvima obrazovanja.
- Utvrđivanje liste stručnjaka za eksternu akreditaciju.
- Sprovođenje obuka za stručnjake
- Implementacija Projekta „Podrška uspostavljanju i funkcioniranju Agencije za razvoj visokog obrazovanja i osiguranje kvaliteta“ 2009. – 2011.” u sklopu kojeg su realizirane 3 radionice u cilju pružanja podrške u redovnim aktivnostima Agencije. Dokument "Minimalni standardi i normativi" pripremljen je i predstavljen svim relevantnim stranama na radionici u julu, kao i tokom finalne faze (oktobar).
- Sudjelovanje u nekoliko Tempus projekta (CUBRIK, ESABIH, SHEQA i STREW)

G. Ćurković je dalje naglasio da Agencija mora završiti postupak za akreditaciju, te je na Ministarskoj konferenciji zatražena pomoć relevantnih ministarstava u izradi tako važnog dokumenta. Što se tiče akreditacije studijskih programa, Agencija je sudjelovala u Tempus projektu "Standardi Evropske unije za akreditaciju studijskih programa na bosanskohercegovačkim univerzitetima" (ESABiH), što je veoma važno za usvajanje kriterija studijskih programa, iako Agencija nije direktni korisnik projekta.

Gđa Karen Roberts, predstavnica Vijeća Evrope, rekla je da su aktivnosti zajedničkog projekta Evropske komisije i Vijeća Evrope - "SHE III" vezane za primjenu Kvalifikacijskog okvira i izradu kurikuluma u skladu s evropskom praksom koja će služiti kao korisno sredstvo u programskoj i institucionalnoj akreditaciji. Vodič dobre prakse za izradu kurikuluma shodno okviru EHEA-e bit će dostupan do kraja januara ili početka februara 2011.g.

Također, gđa Karen Roberts je naglasila da je Ministarstvo civilnih poslova zatražilo od Vijeća Evrope da izradi prijedloge za uspostavljanje Bolonjskog odbora. Nacrt prijedloga je u fazi izrade, a HEA BiH će biti konzultirana u vezi tog pitanja.

Gđa Amira Omanović, predstavnik Austrijske razvojne agencije navela je da ADA/ADC još od 1994. godine ima iskustva u financiranju projekta za razvoj visokog obrazovanja u Bosni i Hercegovini. Ured WUS Austrije u BiH je implementirao većinu projekta u podršci javnih VŠU – razvoj doktorskih programa shodno Bolonji i formiranje Ureda za osiguranje kvaliteta na svim VŠU. Osim gore spomenutih, ADA/ADC je saradivala s Ministarstvom civilnih poslova u projektu podrške i razvoja nauke i kulture, te sa Univerzitetom u Tuzli na projektu za preduzetništvo među studentima.

Gđa Omanović istakla je da ADA/ADC ne implementira projekte, nego ih samo finansira i nadgleda.

Gđica Jelena Šantić je predstavila glavne komponente i aktivnosti sprovedene u 2010.g. u okviru Projekta „Podrška uspostavljanju i funkcioniranju Agencije za razvoj visokog obrazovanja i osiguranje kvaliteta“ 2009. – 2011.“ G. Fejzić je naglasio specifičnost spomenutog projekta pošto se u potpunosti implementira od strane Agencije.

Gđa Valerija Šaula, predstavnik Univerziteta u Banja Luci istakla je veći broj projekta u kojima sudjeluje Univerzitet u Banjaluci. Kao koordinatorica CUBRIK Tempus projekta u koji su uključena 4 javna univerziteta i dva ministarstva, kao i dvije zemlje iz regije (Makedonija i Srbija), gđa Šaula je upoznala učesnike s ciljevima i aktivnostima spomenutog projekta, što nije samo značajno za univerzitete i njihov razvoj i internacionalizaciju, nego također i za svakog člana univerziteta. Gđa Šaula je naglasila da su dodatna finansijska sredstva od velike važnosti za uspješan razvoj bosanskohercegovačkih univerziteta, te da sve uključene strane trebaju izgraditi čvrste temelje i nastaviti svoj rad u ovom procesu.

Gđa Janet Miller je predstavila Program razmjene Ureda javnih poslova pri američkoj ambasadi u BiH i govorila o mogućnostima koje nudi “Fulbright Visiting Specialist Program”.

G. Haris Muhić, direktor SUS BiH je predstavio glavne aktivnosti Tempus Projekta ESABiH čiji je glavni cilj uvođenje evropskih standarda u postupcima evaluacije i akreditacije studijskih programa na BiH univerzitetima. Drugi Tempus projekt koji je u fazi implementacije je “Centri za modernizaciju kurikuluma i cjeloživotnog učenja (CCMLL)”. Projekt koji financira Austrijska razvojna agencija je “Jačanje VŠU BiH – stvaranje pretpostavki za članstvo u ENQA-i” gdje je ostvarena značajna saradnja s HEA BiH . G. Muhić je spomenuo i sudjelovanje SUS BiH u FP 7 projektu, inicijativa Evropske komisije čiji je glavni cilj pružiti podršku Upravljačkoj platformi za istraživanje za zemlje Zapadnog Balkana. G. Muhić je najavio implementaciju projekta “Crossroads III” za poticanje preduzetništva kod mladih ljudi.

G. Fejzić je rekao da je 2010.g. bila veoma izazovna. Pošto je pravni okvir veoma kompleksan, a rok za akreditaciju već jednom produžen, akreditacija VŠU će zasigurno biti pitanje od velike važnosti u 2011.g. G. Fejzić je također naveo potrebu jedinstvenog područja visokog obrazovanja u BiH. Uzimajući u obzir saradnju s interesnim grupama u 2011.g., Fejzić je istakao da će HEA BiH dati svoj doprinos te da su svi prijedlozi i sugestije za nadolazeći period dobrodošli.

G. Fejzić je također spomenuo da je iz Ministarstva civilnih poslova upućeno Pismo za reviziju standarda i smjernica BiH, čime je dato ovlaštenje HEA-i BiH za pokretanje revizije dokumenta. Ovo podrazumijeva brojne konsultacije sa svim relevantnim interesnim stranama.

Gđa Jadranka Mihić se pridružila sastanku te upoznala učesnike s aktivnostima Evropske komisije. Osim spomenutog projekta Evropske komisije i Vijeća Evrope, gđa Mihić je navela još nekoliko projekata Evropske komisije. Projekt *“Podrška reformi visokog obrazovanja u BiH”* obuhvata integraciju javnih univerziteta kao i pitanja vezana za kvalifikacije koji su relevantni za sve uključene. Gđa Mihić je naglasila da Republika Srpska nije zainteresirana za izradu jedinstvenog Zakona o kvalifikacijama te da će dokument najvjerojatnije biti prestrukturiran u obliku “preporuka”, kako bi na taj način bio prihvatljiv za sve strane. Evropska komisija je, također, sprovela ankete na univerzitetima, te tako prikupila jedan važan set informacija, kojima su identificirani mnogi zajednički problemi svih univerziteta.

Što se tiče aktivnosti za nadolazeći period, gđa Mihić je istakla da je izrada kurikuluma jedna od aktivnosti koja će biti implementirana. Također, sprovede će se serija obuka, a u periodu od 2011. – 2013. g. Evropska komisija će koristiti IPA fondove za potporu reformi visokog obrazovanja u BiH.

G. Fejzić je dodao da će do kraja 2011.g. Agencija raditi u svom punom kapacitetu, pošto će svi članovi relevantnog osoblja biti zaposleni u Sektoru za razvoj visokog obrazovanja.

Na sastanku se raspravljalo o usklađivanju kantonalnih i entitetskih zakona o visokom obrazovanju sa Okvirnim zakonom o visokom obrazovanju. G. Fejzić je rekao da svako ministarstvo ima drugačiji pristup Okvirnom zakonu, te da BiH treba tehničku podršku u implementaciji Okvirnog zakona.

Gđica Tonka Krešić, predstavica Studentskog parlamenta, navela je da studenti očekuju da neko riješi taj problem, jer postoje problemi vezani za mobilnost studenata u BiH.

Učesnici su razgovarali o razdoblju studiranja te je, nadovezujući se na to pitanje, gđa Mihić dodala da će Tempus pokrenuti projekt koji će se baviti tom temom.

G. Bašić je predstavio projekt “BAMONET” čija će se promocija održati u februaru 2011.g. u Banjaluci. U projektu će učestvovati Ministarstvo civilnih poslova, Univerzitet u Banjaluci kao koordinator, te Univerzitet u Sarajevu. Glavni cilj projekta je formiranje mreže mobilnosti za istraživače u BiH i spajanje centara za mobilnost u BiH sa EUROAXESS mrežom. G. Bašić je naglasio važnost uključenosti međunarodnih aktera u procesima reforme.

Gđa Rahela Džidić je otvorila raspravu na temu priznavanja diploma i dodala da je potrebno izraditi kvalifikacijski okvir. Gđa Mihić je navela da Evropska komisija radi na izradi Okvira za cjeloživotno učenje, dokument je u početnoj fazi i biće predstavljen Vijeću ministara.

Glavni problem o kojem se raspravljalo bio je status studenata nakon završenog prvog ciklusa (180 ECTS) pošto se u nekim dijelovima BiH to ne priznaje kao univerzitetska diploma.

Vijeće Evrope je naglasilo potencijal kvalifikacijskog okvira u rješavanju pitanja vezanih za priznavanje, napredak (iz jednog ciklusa u drugi) i mobilnost. Od ključne je važnosti utvrditi

pravila specifična za predmet i konvencije za tri bolonjska ciklusa, po mogućnosti putem timova za pojedinačne discipline iz čitave zemlje. To je bio eksplicitni zaključak na konferenciji o ovoj temi održanoj u Sarajevu, u oktobru 2010.g.

Svi učesnici su zaključili da spomenuto pitanje treba biti što prije regulirano u skladu s evropskom praksom.

G. Fejzić je najavio da će Agencija završiti izradu materijala za kampanju podizanja svijesti o osiguranju kvaliteta koja će biti pokrenuta u februaru – martu 2011.g. Tim povodom će biti organiziran sljedeći koordinacijski sastanak donatora. G. Fejzić je rekao da će HEA podstaći organizaciju dva sastanaka o doktorskim studijima – struktura i osiguranje kvaliteta na doktorskim studijima.

ZAKLJUČCI:

1. Definiranje studijskih ciklusa i razdoblja shodno Bolonji i njihovo priznanje kod šire javnosti je od ključne važnosti za uspješnu implementaciju Bolonjske reforme i za razvoj visokog obrazovanja.
2. Postoji potreba za jedinstvenom regulativom kvalifikacija koju će prihvatiti sve strane u BiH.
3. Prvi sastanak na temu doktorskih studija će biti održan u martu (Struktura doktorskih studija kao instrument za razvoj visokog obrazovanja), a drugi će biti organiziran u junu (Osiguranje kvaliteta na doktorskim studijima).
4. Sljedeći sastanak donatora biće organiziran početkom februara 2011.g.

Zapisnik su vodile:

Jelena Šantić i Maja Macan